



**Ministry of Civil Affairs**

---

**Broj:** 14-16-3-14-4/23

**Sarajevo,** 26.09.2023. godine

Na osnovu člana člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

**O D L U K U**

**o izboru najpovoljnijeg ponuđača**

**I**

Najpovoljniji ponuđač u postupku javne nabavke usluga štampanja objavljenom na web portalu Agencije za javne nabavke BiH, broj obavještenja: 121-7-2-81-3-43/23 od 29.08.2023. godine, koji je proveden u skladu sa procedurom konkurentskog zahtjeva za dostavu ponuda je Svjetlost-BH print d.o.o. Sarajevo.

**II**

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

**III**

Ova odluka stupa na snagu danom donošenja.

**OBRAZLOŽENJE**

Na osnovu provedenog postupka nabavke, Komisija za nabavke je konstatovala da je rok za dostavu ponuda 20.09.2023. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle dvije ponude i to ponuđača: Štamparija Fojnica d.d. Fojnica i Svjetlost-BH print d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača Štamparija Fojnica d.d. Fojnica je nepravilna iz razloga što nije ovjeren Aneks 9-nacrt Okvirnog sporazuma, iako je u tački 15. Konkurentskog zahtjeva za dostavljanje ponuda navedeno sljedeće: *Ponuđači su dužni uz ponudu dostaviti Nacrt Okvirnog sporazuma u koji su unijeli podatke iz svoje ponude, parafirati sve listove Nacrta Okvirnog sporazuma, te ga potpisati i ovjeriti.* S tim u vezi, Komisija za nabavke je utvrdila da ponuda ponuđača nije u

skladu sa tenderskom dokumentacijom, te je navedenu ponudu ocijenila kao nepravilnu. Iz navedenih razloga ponuda ponuđača Štamparija Fojnica d.d. Fojnica je odbačena.

Ponuda ponuđača Svjetlost-BH print d.o.o. Sarajevo je prihvatljiva, dostavljeni su svi traženi dokazi propisani tenderskom dokumentacijom, na propisan način.

Analizom ponuda, primjenom kriterija najniža cijena Komisija je utvrdila sljedeće:

Najpovoljnija je ponuda ponuđača Svjetlost-BH print d.o.o. Sarajevo sa ukupnom cijenom 22.848,67 KM bez PDV-a sa popustom, odnosno 26.732,94 KM sa uračunatim PDV-om i popustom. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mu mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

MINISTRICA

dr. sc. Dubravka Bošnjak

**Dostavljeno:**

1. Ponuđaču - elektronski
2. Web stranica Ministarstva – na objavu
3. a/a

